



Inatsisartut ilaasortaq
Doris Jakobsen, Siumut

Kalaaliaqqami inuussutissanik suliareriikkanik tuniniaasinnaanermut periarfissaqarnermut tunngatillugu inatsisartut suleriaasianni § 37-mut apeqqummut (FM2011/60) akissut.

08.03.2011

Postboks 1601
3900 Nuuk
Oqa. (+299) 34 50 00
Allak (+299) 32 56 00
E-mail: islin@gh.gl
www.nanoq.gl

Qujanaq ullumikkumut attuumassutilinnut tunngasunut apeqquternut, aamma maanna Nuummi kalaaliarartaarsuaq eqqarsaatigalugu. Apeqquteqaatitit ataatsimut akissuteqarfiginissaannut imminut piginnaatippunga.

Eqqaanngitsoorniannigilara, Naalakkersuisut ilaatigut NIIP (Nunap immikkoortuini Ineriartortitsinermit periusissaq-mut) pilersaarummut atatillugu, Kalaallit Nunaanni kalaallit inuussutissanik atuneq ullormut oqaluuserisassani annertutinneqarsimasoq. Kommunit suleqatigalugit neriuutigaarput, suliniutit taakku kalaallit inuussutissaataannik nioqqutisortunut, atuisunut inuiaqatigiinnullu tamanut iluaqutaasussanngorlugit nioqqutissanik tunisaqarneq qaffassagaa.

Aalisakkat neqillu pujuukkat, tarajortikkat, siatat qerisullu, kuannit, ruuat, naasut paarnallu kalaaliaqqami tuniniarneqarnissaat periarfissalerniarlugu apeqqutit i-maattut saqqummiunneqassapput:

- 1. Nalunaarut imatut tulluarsarneqassanersoq, qulaani eqqaaneqartut kalaaliaqqamiit tuniniarneqarsinnaasunngorlutik?**
- 2. Kalaaliaqqamiit inuussutissanit nioqqutissiat tuniniarneqaaqqittaleqqinnissaannut piumasaqaatit sorliit naammassineqassappat?**

Suliffeqarfiit inuussutissaleriffiusut pillugit Namminersorerullutik Oqartussat nalunaarutaat nr. 21, 27. juli 1998-imeersumi, kapitali 15-imi kalaallit kalaalimeerniarfiinut male-ruagassat allaaserisimapput. Tassanilu ima allassimasoqarpoq, tassa tarajorterineq, panertitsineq, pujoorineq, siatsineq, qerititsinernillu il.il suliaqartarneq inerteqqutaasoq, erisarneq, saliineq, uullinerluunniit eqqaassanngikkaanni, isumaqatiginninniarnernut atatillugu (§ 26, imm. 8). Maleruagassat taakku 1998-imiilli atuuttulersinneqarput taamaa-sillutillu maani Nuummi kalaaliaqqamut pisoqqamut nutaamullu atuuttuusimallutik. Taa-maattumik nerisassat erisarsimasut, salissimasut uullisimasullu saniatigut, kalaaliaq-qami nerisassat suliareriikkat kalaaliaqqami pisoqqami nutaamiluunniit, tuniniaanissa-mut akuersisoqanngisaannarnikuvoq.

Maleruagassanut siunertaasoq tassa atuisunik nerisassanit toqunartortitaasinnaanik-kut uloariartorsinnaaneq minnerulersinniarlugu pissutigalugu neqit kalaaliaqqami tuniniarneqartartut nersutit nakorsaaniit oqartussaasoqarfimmersumit akuerineqarsiman-ngimmata tassa imaappoq. neqit suulluunniit tuniniarneqarsinnaapput –

aammattaaq assersuutigalugu neqit aalisakkalu bakteriarpassuallit, miluuffigisaminnut ilanngartuisut, ajuartut il.il.

Piniartup/aalisartup atuisullu akornanni imminnut tatigeqatigiinneq aallaavigalugu male-ruagassat suliarineqarsimapput. Tamanna imatut paasineqassaaq, tassa inuussutissat kalaaliaqqamiittut nersutit nakorsaannut tunngasutigut neqilianik nakkutilliinermut tunngasunut ilanngunneqarsimanngikkunik, assersuutigalugu savaaqqat neqaat Neqi A/S-mi taamaalineqartartut, taava nerisassanit nioqqutissiat taamaallaat nutaatut/ nioqqutisatullu nutaatillugit nioqqutissiatut tuniniarneqarsinnaasut. Taamaattumillu suliaqartarneq inerteqqutaavoq, tassami suliaqartarneq atuisunik nerisassanit toqunartutortitaasinnaanikkut ulorianartorsiorsinnaaneq annertusitimmagu.

Tamakkununnga tunngasutigut inatsimmik atuuttumik allannguinnissaq 2011-mi ukiakkut ataatsimiinnernut pisussanngortillugu pilersaarutaasimagaluarpoq, kisiannili maannak- kut inissisimaneq eqqarsaatigalugu, nalunaarutinik allannguinnissaq tuaviortumik tusar- niutitut nassiunneqassasoq ilimagineqassaaq, taamaasilluni inuussutissat suliareriikkat kalaaliaqqami tuniniarnissaat periarfissaqalissammata, kisianni atuisut eqqarsaatigalugit inuussutissat pitsaassutsimikkut isumannaatsuunissaat isumannaarlugu.

Inussiarnersumik inuulluaqqusillunga

Ove Karl Berthelsen

